

სააბონენტო ხელშეკრულება №
საკომუნიკაციო მომსახურების გაწევის შესახებ

ქ. ბათუმი,

20 წ

რიცხვი თვე წელი

1. ხელშეკრულების მხარეები:

ერთი მხრივ შპს „ორბი ნეტ“ (ს/№445548818, შემდეგში - „მიმწოდებელი“), წარმოდგენილი დირექტორის ირაკლი კვერდელიძის (პ/№33001004647) სახით

და მეორეს მხრივ --- „-----“ (ს/№000000000, შემდეგში - „აბონენტი“), წარმოდგენილი დირექტორის ---
----- (პ/№00000000000) სახით

2. ხელშეკრულების საგანი:

2.1. წინამდებარე ხელშეკრულების საფუძველზე მიმწოდებელი აბონენტს უწევს საკომუნიკაციო მომსახურებას, რომელიც მოიცავს სატელევიზიო მომსახურებას და/ან ინტერნეტის მომსახურებას.

2.2. საკომუნიკაციო მომსახურებიდან:

ა) ტელევიზიით მომსახურების გაწევა გულისხმობს აბონენტის, არჩეული პაკეტით გათვალისწინებული რაოდენობის სატელევიზიო არხებთან წვდომის უზრუნველყოფას/ჩვენებას. არხების ჩამონათვალს (პაკეტის შემადგენლობას) განსაზღვრავს მიმწოდებელი და იგი არ საჭიროებს აბონენტის არც წინასწარ და არც შემდგომ თანხმობას. პაკეტში შემავალი არხების ჩამონათვალი წარმოადგენს ხელშეკრულების სტანდარტულ პირობას. შესაბამისად, მათი დასახელება, რაოდენობა, დასახელების/რაოდენობის ცვლილება და/ან გაუქმება შეიძლება განხორციელდეს მათი ვებგვერდზე განთავსებით.

ბ) ინტერნეტის მომსახურება გულისხმობს აბონენტისათვის, არჩეული პაკეტით გათვალისწინებული მაქსიმალური სიჩქარის ინტერნეტის მიწოდების უზრუნველყოფას.

2.3. საკომუნიკაციო მომსახურებების პაკეტები:

2.3.1. ტელევიზიით მომსახურების პაკეტები:

a	პაკეტი „MINI“	
b	პაკეტი „START“	
c	პაკეტი „PREMIUM“	
d	პაკეტი „PREMIUM +“	

შენიშვნა: არჩეული პაკეტი შემოიხაზოს წრით ან გაკეთდეს „X“ აღნიშვნა და/ან ნებისმიერი სხვა გზით მოხდეს არჩეული პაკეტის იდენტიფიცირება, ხოლო ამ წესით მომსახურების შესაბამისი პაკეტის არჩევის დადასტურების მიზნით, არჩეული პაკეტის გასწვრივ ველში აბონენტის და/ან მის მიერ უფლებამოსილი პირის მიერ სრულად დაიწეროს აბონენტის სახელი, გვარი, პირადი და/ან პასპორტის ნომერი, ხოლო სურვილისას გაკეთდეს აბონენტის/უფლებამოსილი პირის ხელმოწერა. შესაბამისად, ამ ხელშეკრულების 2.3.1 და 2.3.2 პუნქტით გათვალისწინებული ყველა სხვა ველი უნდა გადაიხაზოს და/ან უნდა მოხდეს მისი შევსება „X“ ნიშნით იმდაგვარად, რომ მასში შეუძლებელი იყოს ტექსტის ჩაწერა.

2.3.2. ინტერნეტის მომსახურების პაკეტები:

a	პაკეტი „MINI“	
b	პაკეტი „START“	

c	პაკეტი „PREMIUM“	
d	პაკეტი „PREMIUM +“	
e	პაკეტი „Gold“	

შენიშვნა: არჩეული პაკეტი შემოიხაზოს წრით ან გაკეთდეს „X“ აღნიშვნა და/ან ნებისმიერი სხვა გზით მოხდეს არჩეული პაკეტის იდენტიფიცირება, ხოლო ამ წესით მომსახურების შესაბამისი პაკეტის არჩევის დადასტურების მიზნით, არჩეული პაკეტის გასწვრივ ველში აბონენტის და/ან მის მიერ უფლებამოსილი პირის მიერ სრულად დაიწეროს აბონენტის სახელი, გვარი, პირადი და/ან პასპორტის ნომერი, ხოლო სურვილისას გაკეთდეს აბონენტის/უფლებამოსილი პირის ხელმოწერა. შესაბამისად, ამ ხელშეკრულების 2.3.1 და 2.3.2 პუნქტით გათვალისწინებული ყველა სხვა ველი უნდა გადაიხაზოს და/ან უნდა მოხდეს მისი შევსება „X“ ნიშნით იმდაგვარად, რომ მასში შეუძლებელი იყოს ტექსტის ჩაწერა.

2.4. საკომუნიკაციო მომსახურების გაწევის პირობებია:

2.4.1. ტელევიზიით მომსახურების გაწევისას აბონენტისათვის უზრუნველყოფილი უნდა იყოს არანაკლებ შემდეგი რაოდენობის არხების ჩვენება:

№	პაკეტი	არხების მინიმალური რაოდენობა	არხების რაოდენობაში დასაშვები ნაკლებობა
a	„MINI“	ამ ეტაპზე არ მოქმედებს	10%
b	„START“ -	ამ ეტაპზე არ მოქმედებს	
c	„PREMIUM“	ამ ეტაპზე არ მოქმედებს	
d	„PREMIUM +“	ამ ეტაპზე არ მოქმედებს	

2.4.2. ინტერნეტის მომსახურება უნდა განხორციელდეს შემდეგი მოთხოვნების დაცვით:

№	პაკეტი	მაქსიმალური სიჩქარე:	მინიმალური სიჩქარე:	ფაქტობრივად ხელმისაწვდომი სიჩქარე:	დაყოვნება:	დაკარგული პაკეტების კოეფიციენტი:	ჯიტი:	პაუზა
a	„MINI“	6 მბ/წმ	1,2 მბ/წმ	4,8 მბ/წმ	< 400 მილიწამი	< 3 %	< 50 მილიწამი	3
b	„START“ -	8 მბ/წმ	1,6 მბ/წმ	6,4 მბ/წმ	< 400 მილიწამი	< 3 %	< 50 მილიწამი	3
c	„PREMIUM“	10 მბ/წმ	2 მბ/წმ	8 მბ/წმ	< 400 მილიწამი	< 3 %	< 50 მილიწამი	3
d	„PREMIUM +“	12 მბ/წმ	3 მბ/წმ	10 მბ/წმ	< 400 მილიწამი	< 3 %	< 50 მილიწამი	3
e	Gold	18 მბ/წმ	6 მბ/წმ	14 მბ/წმ	< 400 მილიწამი	< 3 %	< 50 მილიწამი	3

შენიშვნა: ინტერნეტის მომსახურება აღნიშნული მოთხოვნების დაცვით უნდა განხორციელდეს, მიუხედავ იმისა, აბონენტს დამატებით აქვს თუ არა არჩეული ტელევიზიით მომსახურების, შემოთავაზებულიაგან რომელიმე პაკეტი.

2.4.3. წინამდებარე ხელშეკრულების მიზნებისათვის აბონენტისათვის, მის მიერ არჩეული მომსახურების პირველადი ჩართვის/ინსტალაციის ვადა განისაზღვრება განაცხადის რეგისტრაციიდან --- (ოცდაოთხი) კალენდარული დღით.

2.4.4. იმ შემთხვევაში თუ აბონენს მიეწოდება როგორც სატელევიზიო, ასევე ინტერნეტ მომსახურება, ინტერნეტის მომსახურება უნდა განხორციელდეს წინამდებარე ხელშეკრულების 2.4.2. პუნქტით შესაბამისი პაკეტისათვის დადგენილი მოთხოვნების დაცვით, ხოლო ტელევიზიით მომსახურების გაწევის ნაწილში აბონენტისათვის უზრუნველყოფილი უნდა იყოს არანაკლებ 20 სატელევიზიო არხის ჩვენება, არხების რაოდენობაში დასაშვებია 10%-ი ნაკლებობა.

3. მომსახურების საფასური:

3.1. საკომუნიკაციო მომსახურებების საფასური შეადგენს:

3.1.1. სატელევიზიო მომსახურება/„პაკეტი ტელევიზია“:

a) პაკეტი „MINI“ - თვეში 20 (ოცი) ლარს (ამ ეტაპზე არ მოქმედებს);

b) პაკეტი „START“ - ამ ეტაპზე არ მოქმედებს;

c) პაკეტი „PREMIUM“ - ამ ეტაპზე არ მოქმედებს;

d) პაკეტი „PREMIUM +“ - ამ ეტაპზე არ მოქმედებს.

3.1.2. ინტერნეტის მომსახურება/„პაკეტი ინტერნეტი“:

a) პაკეტი „MINI“ - თვეში 50 (ორმოცდაათი) ლარს;

b) პაკეტი „START“ - თვეში 70 (სამოცდაათი) ლარს;

c) პაკეტი „PREMIUM“ - თვეში 135 (ასოცდათხუთმეტი) ლარს;

d) პაკეტი „PREMIUM +“ - თვეში 155 (ასორმოცდათხუთმეტი) ლარს;

e) პაკეტი „Gold“ - თვეში 200 (ორასი) ლარს.

3.2. მომსახურების საფასური გადახდილი უნდა იქნას საანგარიშო თვის დასრულებიდან მომდევნო თვის 10 რიცხვამდე.

3.3. საფასური შეიძლება გადახდილი იქნას თანხის მიმწოდებლის საბანკო ანგარიშზე ჩარიცხვით. მომსახურების საფასური შეიძლება გადახდილი იქნას ასევე გადახდის ნებისმიერი საშუალებების გამოყენებით (გადახდის აპარატები, ინტერნეტბანკი და სხვა). ამ მიზნით აბონენტს ენიჭება ნომერი (აბონენტის ნომერი), რომელიც მომსახურების გადახდის დროს წარმოადგენს იდენტიფიკატორს. მიმწოდებლის მიერ შეიძლება შეთავაზებული იქნას მომსახურების საფასურის გადახდის სხვა საშუალებებიც.

3.4. საფასური მოიცავს საქართველოს კანონმდებლობით გათვალისწინებულ ყველა გადასახადს, ასევე, მომსახურების გაწევის მიზნით შესაბამისი მოწყობილობების/აპარატურის მონტაჟის და მომსახურების გაწევის დასრულების შემდეგ შესაბამისი მოწყობილობების/აპარატურის დემონტაჟის ღირებულებას.

3.5. მომსახურების გაწევისათვის გამოყენებული აპარატურა/მოწყობილობები არ წარმოადგენს აბონენტის საკუთრებას. შესაბამისად მომსახურების გაწევისათვის გამოყენებული აპარატურა/მოწყობილობები აბონენტს მომსახურების გაწევის ვადით გადაეცემა მხოლოდ სარგებლობისა და პირდაპირი მფლობელობის უფლებით.

3.6. გარდა მომსახურების საფასურის გადახდისა, მიმწოდებელს უფლება აქვს ცალმხრივად შემოიღოს სააბონენტო საფასური/გადასახდელი, ასევე ნებისმიერ ეტაპზე ცალმხრივად განსაზღვროს მისი ოდენობა, რომელიც უნდა იყოს სამართლიანი და გონივრული.

3.7. მიმწოდებელს უფლება აქვს ცალმხრივ გარიგების საფუძველზე გაზადროს მომსახურების საფასური:

a) ყოველ 6 თვეში ერთხელ, მაგრამ არაუმეტეს გაზრდის დღისათვის არსებული მომსახურების საფასურის 30%-ისა;

b) თუ გაიზრდება რომელიმე არხის ჩვენების არსებული საფასური და/ან ფასიანი გახდება რომელიმე არხის ჩვენება, არხის ჩვენების ახალი ფასის ოდენობას პლუს ახალი ფასის 20% ოდენობით;

c) თუ ნორმატიული აქტებით, მწარმოებლის მიერ და/ან მიმწოდებლის მიერ დადგენილი სტანდარტებით გაიზარდა მომსახურების გაწევის ღირებულება, ნამეტ ღირებულებას პლუს ნამეტი ღირებულების 20% ოდენობით;

d) წინამდებარე ხელშეკრულების ხელმოწერის შემდეგ გარემოებების ამკარად შეცვლისას, საქართველოს სამოქალაქო კოდექსის 398-ე მუხლის შესაბამისად.

3.8. მიუხედავად იმისა, რომ მომსახურების საფასურის გაზრდა ხდება მიმწოდებლის ცალმხრივი გარიგების საფუძველზე და შესაბამისად იგი არ საჭიროებს აბონენტის არც წინასწარ და არც შემდგომ თანხმობას, მიმწოდებელი ვალდებულია მომსახურების საფასურის გაზრდის თაობაზე წინამდებარე ხელშეკრულებით დადგენილი წესით წინასწარ აცნობის აბონენტს. გაზრდილი ტარიფები ძალაში შედის მათი აბონენტისათვის გაცნობის მომდევნო თვიდან.

4. მომსახურების ზოგადი ხარისხი, დაზიანების აღმოფხვრის წესი და ვადა:

4.1. მიმწოდებელი გამოიყენებს მის ხელთ არსებულ ყველა შესაძლო და ხელმისაწვდომ რესურსსა და ძალისხმევას მომსახურების მაღალი ხარისხით მიწოდებისათვის, მაგრამ გარანტიას არ იძლევა, რომ მომსახურება იქნება სრულიად შეუფერხებელი ან მუდმივად ხელმისაწვდომი.

4.2. მომსახურება ხელმისაწვდომია დღე-ღამის 24 საათის განმავლობაში, გარდა გადაუდებელი სარემონტო თუ პროფილაქტიკური სამუშაოების მიმდინარეობის, აგრეთვე ხელშეკრულებით გათვალისწინებული გამონაკლისი შემთხვევებისა და შეესაბამება კომპეტენტური სახელმწიფო ორგანოების მიერ დადგენილ ტექნიკურ ნორმებს, სტანდარტებს და ოპერატორის ლიცენზიის პირობებს.

4.3. მიმწოდებელი გამოიყენებს საუკეთესო გონივრულ ძალისხმევას, რათა უზრუნველყოს მომსახურების შეთანხმებული ხარისხით მიწოდება. მომსახურების ხარისხის განსაზღვრისას მხედველობაში მიიღება წინამდებარე ხელშეკრულებითა და კანონმდებლობით განსაზღვრული პირობები, შესაბამისი ინდუსტრიული სტანდარტები და პრაქტიკა.

4.4. მიმწოდებელი უზრუნველყოფს აღმოფხვრას მომსახურებაში არსებული შეფერხებები და ნაკლოვანებები და აღადგინოს ქსელის ნორმალურ რეჟიმში ფუნქციონირება გონივრულ ვადებში, ტექნიკური შესაძლებლობების და მის ხელთ არსებული რესურსების ფარგლებში, მაგრამ არაუგვიანეს მიზეზის წარმოშობიდან 12 საათის განმავლობაში ან კანონმდებლობით დადგენილ ვადაში თუ ასეთი ვადა დადგენილია.

4.5. წინამდებარე ხელშეკრულების 4.4. პუნქტით გათვალისწინებულ 12 (თორმეტი) საათიან პერიოდში არ ჩათვლება მომსახურების ისეთი წყვეტები თუ შეფერხებები, მათ შორის და არამხოლოდ ხარისხობრივ მაჩვენებლებთან შეუსაბამობები, რომელიც სრულად ან ნაწილობრივ, პირდაპირ თუ ირიბად განპირობებულია ფორს-მაჟორული გარემოებებით, მათ შორის, კიბერ-შეტევებით, ჰაკერული-თავდასხმებით, აბონენტის ან/და ნებისმიერი მესამე პირის მიერ წინამდებარე ხელშეკრულებით გათვალისწინებული მომსახურების გაწევისათვის განკუთვნილი აპარატურის განზრახ ან/და გაუფრთხილებლობით დაზიანებით:

5. ხელშეკრულების მხარეებს შორის კომუნიკაციისა და ოფერტისა და/ან აქცეპტის განხორციელების წესები:

5.1 მომსახურების სპეციფიკის გათვალისწინებით ხელშეკრულების მხარეები თანხმდებიან ერთმანეთთან კომუნიკაციის შემდეგ წესებზე:

a) მიმწოდებელთან დაკავშირებისათვის ან მიწოდებლისგან დაკავშირებისათვის, როცა არ ხდება სახელშეკრულებო ურთიერთობის წარმოშობის, შეცვლის ან შეწყვეტის თაობაზე ოფერტის წარდგენა/აქცეპტის განხორციელება ან სახელშეკრულებო ინფორმაციის მოთხოვნა და/ან გაცემა, ასევე, ცამლხრივი გარიგების წარდგენისათვის, შეიძლება გამოყენებული იქნას ყველა, რამდენიმე ან რომელიმე კომუნიკაციის შემდეგი ფორმა:

- ფაქტობრივი მისამართი: ქ. ბათუმი, შ. ხიმშიაშვილის ქ. №7ბ;

- ელექტრონული მისამართი: info@orbinet.ge

- მობილური ტელეფონის ნომერი: (598) 88 22 00

შენიშვნა: ამ ქვეპუნქტით გათვალისწინებული მონაცემები წარმოადგენს ხელშეკრულების სტანდარტულ პირობას. შესაბამისად, ამ მონაცემების შეცვლა და/ან გაუქმება შეიძლება განხორციელდეს მათი ვებგვერდზე განთავსებით.

b) აბონენტთან დაკავშირებისათვის ან აბონენტისგან დაკავშირებისათვის, როცა არ ხდება სახელშეკრულებო ურთიერთობის წარმოშობის, შეცვლის ან შეწყვეტის თაობაზე ოფერტის წარდგენა/აქცეპტის განხორციელება ან სახელშეკრულებო ინფორმაციის მოთხოვნა და/ან გაცემა, ასევე, ცამლხრივი გარიგების წარდგენისათვის, შეიძლება გამოყენებული იქნას ყველა, რამდენიმე ან რომელიმე კომუნიკაციის შემდეგი ფორმა:

-	მისამართი:	
-	მირითადი მისამართი:	-----
-	ალტერნატიული მისამართი:	-----
-	ელექტრონული მისამართი:	-----
-	მობილური ტელეფონის ნომერი:	00000000000000
		00000000000000
		00000000000000
-	მობილური ტელეფონის აპლიკაცია:	
-	VIBER:	
-	WhatsApp:	

- ნებისმიერი საშუალებით, ასევე ნებისმიერი პირის მიერ, თუ პირი მიმწოდებელს/მის წარმომადგენელს ეტყვის აბონენტის კოდურ სიტყვას.

5.2. მომსახურების სპეციფიკის გათვალისწინებით ხელშეკრულების მხარეები თანხმდებიან ოფერტისა და აქცეპტის განხორციელების შემდეგ წესებზე:

a) მიმწოდებელთან დაკავშირებისათვის ან მიწოდებლისგან დაკავშირებისათვის, როცა ხდება სახელშეკრულებო ურთიერთობის წარმოშობის, შეცვლის ან შეწყვეტის თაობაზე ოფერტის წარდგენა/აქცეპტის განხორციელება ან სახელშეკრულებო ინფორმაციის მოთხოვნა და/ან გაცემა, შეიძლება გამოყენებული იქნას ყველა, რამდენიმე ან რომელიმე კომუნიკაციის შემდეგი ფორმა:

- მისამართი: ქ. ბათუმი, შ. ხიმშიაშვილის ქ. №7ბ;

- ელექტრონული მისამართი: info@orbinet.ge

- მობილური ტელეფონის ნომერი: (598) 88 22 00;

b) აბონენტთან დაკავშირებისათვის ან აბონენტისაგან დაკავშირებისათვის, როცა ხდება სახელშეკრულებო ურთიერთობის წარმოშობის, შეცვლის ან შეწყვეტის თაობაზე ოფერტის წარდგენა/აქცეპტის განხორციელება ან სახელშეკრულებო ინფორმაციის მოთხოვნა და/ან გაცემა, შეიძლება გამოყენებული იქნას ყველა, რამდენიმე ან რომელიმე კომუნიკაციის შემდეგი ფორმა:

-	მისამართი:	
-	მირითადი მისამართი:	-----
-	ალტერნატიული მისამართი:	-----
-	ელექტრონული მისამართი:	-----
-	მობილური ტელეფონის ნომერი:	0000000000000000
-	მობილური ტელეფონის აპლიკაცია:	0000000000000000
-	VIBER:	
-	WhatsApp:	
-	საკონტაქტო პირები:	-----
-	საკონტაქტო პირები:	-----
-	საკონტაქტო პირები:	
-	საკონტაქტო პირები:	

5.3. ხელშეკრულებაში/სახელშეკრულებო ურთიერთობაში ნებისმიერი ცვლილებების და/ან დამატებების შეტანის, მათ შორის მომსახურების არსებული პაკეტის გაზრდის, შემცირების, შეცვლის, დამატების, შეჩერების, შეწყვეტის და ა.შ. თაობაზე აბონენტის ნებისმიერ ოფერტზე, გარდა წინამდებარე ხელშეკრულების 5.2. პუნქტით „ბ“ ქვეპუნქტით გათვალისწინებულ საკონტაქტო მონაცემებზე აქცეპტის პირდაპირ განხორციელებისა, მიმწოდებლის მხრიდან აქცეპტი განხორციელებულად, ხოლო შესაბამისი ხელშეკრულება/შეთანხმება დადებულად ჩაითვლება ასევე ოფერტით გათვალისწინებული მომსახურების გაწევით.

5.4. მიმწოდებელი უფლებამოსილია, გარდა წინამდებარე ხელშეკრულების 5.2. პუნქტით გათვალისწინებულ საკონტაქტო მონაცემების გამოყენებისა, აბონენტს ოფერტი წარუდგინოს სატელევიზიო მომსახურების გამოყენებით და/ან ვებგვერდის საშუალებით.

5.5. სატელევიზიო მომსახურების გამოყენებით ოფერტის წარდგენისას და აქცეპტის განხორციელებისას დაცული უნდა იქნას შემდეგი მოთხოვნები და თანმიმდევრობა:

a) ოფერტი ფანჯარის სახით ვარდება ტელევიზორში (მიუხედავად იმისა, თუ რომელ არხზეა გადართული ტელევიზორი);

b) ოფერტის ფანჯარა შეიცავს დადასტურებისა და გაუქმების ღილაკებს;

c) თუ აბონენტი ირჩევს გაუქმების ღილაკს, ოფერტი ითვლება უარყოფილად;

შენიშვნა: თუ აბონენტი უარყოფს ოფერტს, მიმწოდებელს ეკრძალება მომდევნო ერთი კვირის განმავლობაში კვლავ წარუდგინოს აბონენტს იგივე ოფერტი.

d) თუ აბონენტი ირჩევს დადასტურების ღილაკს, ოფერტი გენერირდება შეტყობინების ტექსტად და წინამდებარე ხელშეკრულების 4.2. პუნქტით „ბ“ ქვეპუნქტით გათვალისწინებულ რომელიმე/ყველა ან რამოდენიმე მონაცემზე იგზავნება ტექსტური შეტყობინების სახით, რომელიც თავის მხრივ შეიცავს დადასტურების ღილაკს;

e) თუ აბონენტი წინამდებარე ხელშეკრულების 5.2. პუნქტით „ბ“ ქვეპუნქტით გათვალისწინებულ რომელიმე/ყველა ან რამოდენიმე მონაცემზე გაგზავნილ ოფერტს დაადასტურებს, დაადასტურება იმავე მონაცემების გავლით/გამოყენებით უკუკავშირის სახით უბრუნდება მიმწოდებელს;

f) აბონენტის მიერ ოფერტის დადასტურება ითვლება აქცეპტის განხორციელებად;

g) აბონენტის მიერ აქცეპტის განხორციელების შემდეგ მიმწოდებელი ვალდებულია განახორციელოს ოფერტით გათვალისწინებული მომსახურება ოფერტით დადგენილი წესით და პირობებით;

h) აბონენტის მიერ აქცეპტის განხორციელების შემდეგ ოფერტი წარმოადგენს წინამდებარე ხელშეკრულების ცვლილებას/დამატებას, ასევე წარმოადგენს წინამდებარე ხელშეკრულების განუყოფელ ნაწილს და იურიდიული ძალა აქვს მხოლოდ წინამდებარე ხელშეკრულებასთან ერთად.

5.6. ვებგვერდის საშუალებით ოფერტის წარდგენისას და აქცეპტის განხორციელებისას დაცული უნდა იქნას შემდეგი მოთხოვნები და თანმიმდევრობა:

a) მიმწოდებელი ოფერტს ათავსებს ვებგვერდზე: www.orbinet.ge

b) აბონენტს შესაძლებლობა აქვს სრულად გაეცნოს ოფერტს, და თუ სურს ოფერტით გათვალისწინებული მომსახურების მიღება, შესაძლებლობა აქვს განახორციელოს აქცეპტი;

c) აბონენტის მიერ აქცეპტის განხორციელების მიზნით ოფერტი შეიცავს შეკვეთის ფორმას;

d) შეკვეთის ფორმაში აბონენტს შეეყავს აბონენტის მაიდენტიფიცირებელი, შეკვეთის ფორმის შესაბამისი ველებით გათვალისწინებული მონაცემები;

e) მონაცემების შევსების შემდეგ აბონენტს, წინამდებარე ხელშეკრულების 5.2. პუნქტით გათვალისწინებულ რომელიმე, ყველა ან რამოდენიმე მონაცემზე მისდის ერთჯერადი კოდი, რომელიც შეყვანილი უნდა იქნას შეკვეთის ფორმით გათვალისწინებულ შესაბამის ველში;

f) შეკვეთის შესაბამის ველში ერთჯერადი კოდის შეყვანის შემდეგ აქცეპტი ითვლება განხორციელებულად, ხოლო ოფერტი ითვლება მიღებულად/დადასტურებულად;

g) აბონენტის მიერ აქცეპტის განხორციელების შემდეგ მიმწოდებელი ვალდებულია განახორციელოს ოფერტით გათვალისწინებული მომსახურება ოფერტით დადგენილი წესით და პირობებით;

h) აბონენტის მიერ აქცეპტის განხორციელების შემდეგ ოფერტი წარმოადგენს წინამდებარე ხელშეკრულების ცვლილებას/დამატებას, ასევე წარმოადგენს წინამდებარე ხელშეკრულების განუყოფელ ნაწილს და იურიდიული ძალა აქვს მხოლოდ წინამდებარე ხელშეკრულებასთან ერთად.

5.7 ოფერტის წარდგენაზე და აქცეპტის განხორციელებაზე სრულად ვრცელდება საქართველოს სამოქალაქო კოდექსის მოთხოვნები.

5.8. თუ მიმწოდებელსა და აბონენტს შორის კომუნიკაცია ხდება აბონენტის კოდური სიტყვის გამოყენებით იმ ტექნიკური საშუალებით, რომელიც პირდაპირ არ არის გათვალისწინებული წინამდებარე ხელშეკრულებით, კოდური სიტყვის აბონენტის მიერ თქმის დადასტურების მიზნით სავალდებულოა განხორციელდეს მიმწოდებლისა და აბონენტის კომუნიკაციის ჩაწერა.

5.9. თუ მიმწოდებელსა და აბონენტს შორის კომუნიკაცია ხდება იმ ტექნიკური საშუალებით, რომელიც პირდაპირ არის გათვალისწინებული/იდენტიფიცირებული წინამდებარე ხელშეკრულებით, მიმწოდებლისა და აბონენტის კომუნიკაციის ჩაწერა სავალდებულო არ არის.

5.10. თუ მიმწოდებელთან კომუნიკაცია განხორციელდება წინამდებარე ხელშეკრულების 5.1. პუნქტის „b“ ქვეპუნქტით და/ან 4.2. პუნქტის „b“ ქვეპუნქტით“ გათვალისწინებული პირების მიერ; ან ამ პუნქტებით გათვალისწინებული მისამართებიდან; ანდა ამავე პუნქტებით გათვალისწინებული ტექნიკური საშუალებების გამოყენებით; ან აბონენტის კოდური სიტყვის გამოყენებით, ითვლება, რომ მიმწოდებელთან კომუნიკაცია/ურთიერთობა დაამყარა აბონენტმა ან ამ ხელშეკრულებით გათვალისწინებულმა უფლებამოსილმა საკონტაქტო პირმა. საწინააღმდეგოს მტკიცების ტვირთი ეკისრება აბონენტს. ასევე, იმის გათვალისწინებით, რომ წინამდებარე ხელშეკრულება სრულად გამორიცხავს შემთხვევითობას, ასევე აბონენტის უფლებამოსილების არაუფლებამოსილი პირის მიერ გამოყენებას, საწინააღმდეგოს დამტკიცება არ იწვევს არაუფლებამოსილი პირის მიერ განხორციელებული კომუნიკაციის/ურთიერთობის ფარგლებში განხორციელებული ქმედების შედეგების ანულირებას, არამედ აბონენტს უფლება აქვს შესაბამისი პრეტენზიები წარუდგინოს მხოლოდ მისი სახელით მოქმედ არაუფლებამოსილ პირს.

6. ხელშეკრულების ვადა:

6.1. წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს 5 (ხუთი) წლის ვადით.

6.2. თუ ხელშეკრულების რომელიმე მხარის მიერ წინამდებარე ხელშეკრულება არ შეწყდება 6.1. პუნქტით გათვალისწინებული ვადის დადგომიდან ერთი თვის ვადაში, წინამდებარე ხელშეკრულება ითვლება იმავე ვადით და იმავე პირობებით გაგრძელებულად.

7. მომსახურების მიღება-ჩაბარება:

7.1. მიმწოდებლის მიერ წინამდებარე ხელშეკრულებით გათვალისწინებული მომსახურების გაწევის დადასტურება არ საჭიროებს მხარეებს შორის მიღება-ჩაბარების აქტის გაფორმებას, რადგან:

a) თუ ხელშეკრულება არ იყო შეჩერებული ან შეწყვეტილი, ითვლება, რომ მიმწოდებლის მიერ სრულად და ჯეროვნად განხორციელდა მომსახურების გაწევა;

b) თუ მომსახურება არ იყო შეჩერებული ან შეწყვეტილი, ითვლება, რომ მიმწოდებლის მიერ სრულად და ჯეროვნად განხორციელდა მომსახურების გაწევა;

გ) აბონენტის მიერ მომსახურების საფასურის ყოველი გადახდა ნიშნავს მიმწოდებლის მიერ მომსახურების სრულად და ჯეროვნად განხორციელების გაწევის გამო მის მიერ მომსახურების საფასურის გადახდის ვალდებულების არსებობას.

7.2. წინამდებარე ხელშეკრულების 6.1. პუნქტის გათვალისწინებით, მომსახურების საფასურის გადახდის საფუძველს, ნაცვლად მხარეთა შორის გაფორმებული მიღება-ჩაბარების აქტისა, წარმოადგენს მიმწოდებლის მიერ შედგენილი გადახდის ქვითარი, რომელიც შეიცავს მიმწოდებლის მიერ გაწეული მომსახურებას და აბონენტის მიერ საანგარიშო პერიოდში გადასახდელი საფასურის ოდენობას და გადახდის ვადას. მიმწოდებელს უფლება აქვს გადახდის ქვითრის მატერიალური სახით გაგზავნის ნაცვლად აირჩიოს წინამდებარე ხელშეკრულების 5.1. პუნქტის „ბ“ ქვეპუნქტით გათვალისწინებულ მონაცემებზე გადახდის მოთხოვნის აბონენტისათვის ელექტრონულად წარდგენა/გაგზავნა. გადახდის მოთხოვნა აბონენტისათვის ელექტრონულად წარდგენილად ითვლება იმ შემთხვევაშიც, თუ საანგარიშო პერიოდში გადასახდელი მომსახურების საფასურის თაობაზე ინფორმაცია დაინტეგრირდება აბონენტის იდენტიფიკატორის მონაცემებში.

8. ხელშეკრულების სტანდარტული პირობები:

8.1. წინამდებარე ხელშეკრულების არსებით შემადგენელ ნაწილს წარმოადგენს ხელშეკრულების სტანდარტული პირობები, რომლებიც განთავსებულია ვებგვერდზე: www.orbinet.ge სხვა შემთხვევაში პირობები არ ითვლება ხელშეკრულების სტანდარტულ პირობებად.

8.2. ხელშეკრულების სტანდარტულ პირობებს წარმოადგენს:

- a) მომსახურების და/ან ხელშეკრულების მთლიანად ან ნაწილობრივ შეჩერების პირობები და წესი;
- b) მომსახურების და/ან ხელშეკრულების შეწყვეტის პირობები და წესი;
- c) მხარეთა მიერ ნაკისრი ვალდებულების დარღვევის გამო პირგასამტეხლოს ოდენობები, მისი დაკისრებისა და გადახდის წესები, ასევე დაკისრებული პირგასამტეხლობის გადაუხდელობის შედეგები, მხარეთა პასუხისმგებლობის სხვა საკითხები;
- d) ხელშეკრულებაში ცვლილებებისა და დამატებების შეტანის დამატებითი წესები და პირობები;
- e) ფორსმაჟორული გარემოებები;
- f) ხელშეკრულების შეცვლილი გარემოებები;

8.3. გარდა წინამდებარე ხელშეკრულების 8.2. პუნქტით გათვალისწინებული საკითხებისა, წინამდებარე ხელშეკრულების სტანდარტულ პირობად შეიძლება ჩამოყალიბდეს ნებისმიერი სხვა საკითხი, თუ იგი აკმაყოფილებს საქართველოს სამოქალაქო კოდექსით ხელშეკრულების სტანდარტული პირობისათვის დადგენილ მოთხოვნებს.

8.4. თუ ხელშეკრულების რომელიმე სტანდარტული პირობა საერთოდ არ არის ჩამოყალიბებული ან ამ ხელშეკრულებით გათვალისწინებული წესით არ არის ჩამოყალიბებული, არ ნიშნავს, რომ ხელშეკრულების იმ სტანდარტულ პირობებს, რომლებიც უკვე ჩამოყალიბებულია და/ან რომლებიც აკმაყოფილებს ამ ხელშეკრულების მოთხოვნებს, არ აქვს იურიდიული ძალა. შესაბამისად, ხელშეკრულების თითოეულ სტანდარტულ პირობას იურიდიული ძალა აქვს ხელშეკრულების სხვა სტანდარტული პირობებისაგან დამოუკიდებლად. აღნიშნული ნიშნავს ასევე, რომ ხელშეკრულების რომელიმე სტანდარტული პირობის გაუქმება (ბათილობა, ძალადაკარგულად გამოცხადება, შეწყვეტა, შეჩერება და სხვა) არ იწვევს ხელშეკრულების სხვა სტანდარტული პირობის გაუქმებას.

8.5. ვებგვერდზე: www.orbinet.ge განთავსებულ სტანდარტულ პირობებს აბონენტი ეცნობა ხელშეკრულების ხელმოწერამდე რასაც დამატებით ადასტურებს წინამდებარე ხელშეკრულებაზე ხელმოწერით.

8.6. შემდგომში უსაფუძვლო პრეტენზიების და გაუგებრობების თავიდან აცილების მიზნით ხელშეკრულების მხარეები ადასტურებენ, რომ წინამდებარე ხელშეკრულების 8.1. პუნქტით პუნქტით (ხელშეკრულების სტანდარტული პირობები) გათვალისწინებული აქტი წარმოადგენს წინამდებარე ხელშეკრულების ნაწილს.

9. მომსახურების შეჩერება:

9.1. წინამდებარე ხელშეკრულებით გათვალისწინებული მომსახურება შესაძლებელია შეჩერდეს შემდეგი პირობებით:

- ა) აბონენტის განცხადების საფუძველზე, რა შემთხვევაშიც მოქმედებს შემდეგი ტარიფები
 - მომსახურების შეჩერების ყოველთვიური საფასური, პირველი 06 (ექვსი) თვის ვადით, როგორც ერთი მომსახურების კატეგორიისთვის, ასევე ყველა მომსახურებისთვის ერთდოულად, შეადგენს 05 (ხუთი) ლარს დღგ-ს ჩათვლით (თვეზე ნაკლები პერიოდით მომსახურების შეჩერების შემთხვევაში საფასური არ იცვლება)
 - მეშვიდე და ყოველი მომდევნო თვით მომსახურების შეჩერების საფასური შეადგენს 10.00 (ათი) ლარს, დღგ-ს ჩათვლით.

ბ) იმ შემთხვევაში თუ აბონენტი წინასწარი განცხადების გარეშე არ ისარგებლებს წინამდებარე ხელშეკრულებით გათვალისწინებული მომსახურებით, ასევე არ უზრუნველყოფს ამავე ხელშეკრულებით გათვალისწინებულ მომსახურების საფასურის ანაზრაურებას, მიმწოდებელი უფლებამოსილია თავად შეუჩეროს აბონენტს მომსახურების გაწევა და დააკისროს ფასიანი შეჩერების ანაზრაურება, რომლის ღირებულებაც ყოველი ერთი თვით შეჩერებისათვის განისაზღვრება 10.00 (ათი) ლარის ოდენობით, დღგ-ს ჩათვლით.

9.2. თუ ერთი მომსახურების კატეგორიის შეჩერების მოთხოვნისას, უკვე შეჩერებულია სხვა მომსახურების კატეგორია, ასეთი მომსახურების კატეგორიის მომსახურების მიწოდება შეჩერდება დამატებითი თანხის გადახდის გარეშე, უკვე შეჩერებული მომსახურების კატეგორიის შეჩერების ვადით. მომსახურების შეჩერება გულისხმობს, რომ ამ პერიოდის განმავლობაში აბონენტს არ მიეწოდება და არც ერიცხება მომსახურების საფასური. აბონენტს უფლება აქვს მოითხოვოს მომსახურების შეჩერება მხოლოდ იმ შემთხვევაში, თუ მას არ ერიცხება მიმწოდებლის მიმართ დავალიანება იმ მომსახურებაზე, რომლის შეჩერებაც სურს.

9.3. მომსახურების შეჩერების მოთხოვნით აბონენტსა და მიმწოდებელს შორის კომუნიკაცია წარმოაგებს წინამდებარე ხელშეკრულებით გათვალისწინებულ რეკვიზიტებზე კომუნიკაციის მეშვეობით.

10. მხარეთა პასუხისმგებლობა:

10.1. მიმწოდებელი კისრულობს პასუხისმგებლობას აუნაზღაუროს აბონენტს ის ზიანი, რომელიც შეიძლება მიაღწეს აბონენტს მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შედეგად და რომელიც გამოწვეულია, დადასტურებული ბრალეულობისას, მიმწოდებლის მიერ, მხოლოდ განზრახ ან უხეში გაუფრთხილებლობით. ანაზღაურებას ექვემდებარება მხოლოდ ის ზიანი, რომელიც მიმწოდებლისათვის წინასწარ იყო სავარაუდო და წარმოადგენს ზიანის გამომწვევი მოქმედების უშუალო შედეგს.

10.2. 8.1. პუნქტის შესაბამისად მიმწოდებლის პასუხისმგებლობა, მისი დადასტურებული ბრალეულობის შემთხვევაში, მომსახურების მიუწოდებლობის ან არაჯეროვანი მიწოდების შემთხვევაში შემოიფარგლება და განისაზღვრება შემდეგნაირად:

A – ქსელში ჩართვის ვადების დარღვევის შემთხვევაში მიმწოდებლის მიერ დაწესებული ქსელში ჩართვის საფასურის 1 პროცენტის ოდენობის საურავით, ყოველ ვადაგადაცილებულ დღეზე;

B – მომსახურების მიწოდების შეფერხების, მიუწოდებლობის ან უხარისხოდ მიწოდების შემთხვევაში, რომელიც გამოიხატება აბონენტის მიერ მომსახურებით სარგებლობის შეუძლებლობაში, უკანასკნელ საანგარიშო პერიოდში აბონენტის მიერ ერთი საათის განმავლობაში საშუალოდ ფაქტიურად მიღებული მომსახურების საფასურის ოდენობის 1 პროცენტის ოდენობის კომპენსაცია ყოველ ვადაგადაცილებულ საათზე, 4.4. პუნქტის შესაბამისად განსაზღვრული ვადის ამოწურვის შემდგომ.

C – სხვა დანარჩენი მომსახურების მიწოდების შეფერხების ან უხარისხოდ მიწოდების შემთხვევაში, დამატებითი ანაზღაურების გარეშე მომსახურების შეფერხებების აღმოფხვრით და მომსახურების საფასურის პროპორციული შემცირებით. ა, ბ ან გ პუნქტების შემთხვევაში მომსახურების მიწოდების შეფერხების, მიუწოდებლობის ან უხარისხოდ მიწოდების ფაქტი აბონენტის მხრიდან უნდა იყოს დოკუმენტალურად დადასტურებული

10.3. აბონენტი კისრულობს პასუხისმგებლობას აუნაზღაუროს მიმწოდებელს ის ზიანი, რომელიც შეიძლება მიაღწეს მიმწოდებელს აბონენტის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შედეგად.

10.4. აბონენტის პასუხისმგებლობა მიმწოდებლის წინაშე განისაზღვრება შემდეგნაირად:

A – მომსახურების საფასურის გადახდის დაგვიანებისათვის, არასრული ან არადროული გადახდის შემთხვევაში გადაუხდელი თანხის ოდენობის 20 პროცენტის ოდენობის ჯარიმით;

B – აბონენტის მიერ მიმწოდებლისათვის გადასახდელი ნებისმიერი თანხის (სააბონენტო გადასახდელი, მომსახურების წუთობრივი საფასური, დამატებითი მომსახურების ფარგლებში დარიცხული საფასური და ნებისმიერი სხვა დავალიანება) დადგენილ ვადაში გადაუხდელობის შემთხვევაში ან/და წინამდებარე ხელშეკრულებით ან/და კანონმდებლობით განსაზღვრულ სხვა შემთხვევებში მიმწოდებლის უფლებამოსილია შეუზღუდოს აბონენტს მომსახურების მიწოდება.

C – სხვა დანარჩენი ვალდებულების არ ან არაჯეროვანი შესრულების შემთხვევებში მიმწოდებლისათვის პირდაპირი ზიანის ანაზღაურებით

11. ზიანის ანაზღაურება:

11.1. ხელშეკრულების თითოეული მხარე ვალდებულია სრულად და ჯეროვნად აანაზღაუროს ის ზიანი, რომელსაც იგი მიაყენებს მეორე მხარეს.

11.2. მხარეები პასუხს არ აგებენ ვალდებულების გაუფრთხილებლობით დარღვევის გამო მიყენებული ზიანისათვის. შესაბამისად, მხარეები ზიანზე პასუხს აგებენ ვალდებულების მხოლოდ განზრახ დარღვევისას. აღნიშნული არ ეხება მომსახურების გაწევისათვის განკუთვნილი აპარატურის/მოწყობილობების დაზიანებას/განადგურებას, რადროსაც აბონენტი პასუხს აგებს მათ ყოველგვარ, მათ შორის გაუფრთხილებლობით დაზიანებაზე/განადგურებაზე.

11.3. ზიანის ანაზღაურებასთან დაკავშირებული სხვა საკითხები, რომლებიც მოწესრიგებული არ არის წინამდებარე ხელშეკრულებით, შეიძლება მოწესრიგდეს ხელშეკრულების სტანდარტული პირობებით, ხოლო თუ მათ არც ხელშეკრულების სტანდარტული პირობები არ ითვალისწინებს, წესრიგდება საქართველოს კანონმდებლობით.

12. დავათა განხილვა და მოქმედი კანონმდებლობა:

12.1. ხელშეკრულებით და მისი დანართებით (ასეთების არსებობის შემთხვევაში) გაუთვალისწინებელი გარემოებების დადგომის შემთხვევაში მხარეები ხელმძღვანელობენ საქართველოს მოქმედი კანონმდებლობით, უპირველეს ყოვლისა საქართველოს სამოქალაქო კოდექსის და „ელექტრონული კომუნიკაციების შესახებ“ საქართველოს კანონის შესაბამისად.

12.2. მხარეები, წინამდებარე ხელშეკრულებიდან გამომდინარე, ყოველგვარ სადაო საკითხს წყვეტენ ურთიერთშეთანხმების გზით. შეუთანხმებლობის შემთხვევაში მხარეებს შეუძლიათ მიმართონ სასამართლოს. მხარეთა შორის ურთიერთობა წესრიგდება საქართველოს კანონმდებლობით, მათ შორის სასამართლოში სადაო საკითხის განხილვისას გამოიყენება საქართველოს კანონმდებლობა.

12.3. რადგან ხელშეკრულების შესრულების ადგილს წარმოადგენს ქ. ბათუმი, სადაო საკითხის განხილვის მოთხოვნით მიმართვა ხდება შპს „ორბი ნეტ“-ის ადგილსამყოფელის მიხედვით არსებული სასამართლოსადმი. პირველი ინსტანციის სასამართლოს გადაწყვეტილება, საქართველოს სამოქალაქო საპროცესო კოდექსის 268-ე მუხლის 1¹ მუხლის შესაბამისად დაუყოვნებლივ მიექცევა აღსასრულებლად.

13. ხელშეკრულების სხვა პირობები:

13.1. მხარეთა უფლებები და ვალდებულებები მოცემულია მთლიანად ხელშეკრულებაში, ასევე ხელშეკრულების სტანდარტულ პირობებში და სადაოობისას ხელშეკრულების რომელიმე მხარეს უფლება არ აქვს მხარეთა უფლებების ან/და მოვალეობების განსაზღვრისას მიუთითოს მხოლოდ წინამდებარე ხელშეკრულების იმ პუნქტს, რომელიც ითვალისწინებს ხელშეკრულების მხარეთა ძირითად ვალდებულებებს.

13.2. თუ კი მიმწოდებელი საერთოდ აღარ ახორციელებს ან სამომავლოდ აღარ განახორციელებს საკომუნიკაციო მომსახურებას, მიმწოდებელს უფლება აქვს მოითხოვოს წინამდებარე ხელშეკრულების მოშლა (შეწყვეტა), თუნდაც ადგილი არ ჰქონდეს აბონენტის მიერ წინამდებარე ხელშეკრულებით ნაკისრი ვალდებულების დარღვევას. ასეთ დროს, მიმწოდებელი ვალდებულია აბონენტს ხელშეკრულების მოშლის (შეწყვეტის) შესახებ წინამდებარე ხელშეკრულების წესების შესაბამისად შეატყობინოს ხელშეკრულების მოშლამდე (შეწყვეტამდე) არანაკლებ ერთი თვით ადრე, ხოლო ხელშეკრულება შეიძლება მოიშალოს (შეწყდეს) შეტყობინების გაკეთებიდან ერთი თვის გასვლის შემდეგ ნებისმიერ დროს. ამ პუნქტის შესაბამისად ხელშეკრულების მოშლა (შეწყვეტა) არ წარმოადგენს მიმწოდებლის მიერ წინამდებარე ხელშეკრულების დარღვევას და აბონენტს არ აძლევს უფლებას მოითხოვოს, ხოლო მიმწოდებელს არ ავალდებულებს გადაიხადოს პირგასამტეხლო, ანაზღაუროს ზიანი ან შეიცვალოს წინამდებარე ხელშეკრულებით გათვალისწინებული საფასურის ოდენობა. ამ პუნქტის შესაბამისად ხელშეკრულების მოშლას (შეწყვეტას) არ უკავშირდება ასევე სხვა ის შედეგი, რაც უკავშირდება ხელშეკრულების დარღვევას.

13.3. ხელშეკრულებასთან დაკავშირებული სხვა საკითხები, რომლებიც მოწესრიგებული არ არის წინამდებარე ხელშეკრულებით, პირველ რიგში წესრიგდება ხელშეკრულების სტანდარტული პირობებით, ხოლო თუ ეს საკითხები არც ხელშეკრულების სტანდარტული პირობებით არ არის მოწესრიგებული, წესრიგდება საქართველოს კანონმდებლობით, რაც ნიშნავს, რომ სადაოობისას არცერთ მხარეს უფლება არ აქვს მიუთითოს, რომ მისთვის ცნობილი არ იყო ხსენებული სამართლებრივი აქტების ან მისი ცალკეული ნორმისა თუ დებულების თაობაზე;

13.4. მხარეები ადასტურებენ, რომ წინამდებარე ხელშეკრულების პირობები შეესაბამება მათ მიერ გამოვლენილ ნებას და მზად არიან უზრუნველყონ ხელშეკრულებით გათვალისწინებული ვალდებულებების შესრულება;

13.5 ხელშეკრულების ყველა პირობა სრულად გავრცელდება მხარეთა შესაბამის სამართალმემკვიდრეებსა და უფლებამონაცვლელებზე.

13.6. ხელშეკრულება შედგენილია ქართულ ენაზე, ორ ეგზემპლარად, ყოველ მათგანს გააჩნია თანაბარი იურიდიული ძალა. ხელშეკრულების თითოეული ეგზემპლარის თითოეული გვერდი დამოწმებული მხარეების ბეჭდით.

14. მხარეთა ხელმოწერები:**14.1. მიმწოდებელი:**

შპს „ორბი ნეტ“ (ს/№445548818)

წარმომადგენელი დირექტორი

ირაკლი კვერდელიძე (პ/№33001004647) /-----/

14.2. აბონენტი:

--- „-----“ (ს/№000000000)

წარმომადგენელი დირექტორი

----- (პ/№0000000000) /-----/